

永樂大典

卷七三三

郎字

卷七三四

郎字

卷七三八九

喪字

卷七三九〇

喪字

永樂大典卷之七千三百二十三 十八陽

郎

文林郎

沿革隋書百官志文帝於吏部置文林郎杜氏通鑑清書  
百官志文散官有文林郎從九品上宋史職官志因刑部尚書鄧洵武請

改秘書監為省置文林郎二十八人從八品掌撰錄文史檢討舊事新唐書  
又換選人七階以文林郎換留守節察推官軍監判官金史百官志文官  
階有文林郎正八品上元史百官志文散官置文林郎正七品 國朝諸

司職掌文散官文林郎正七品

事實紹興志元徐天祐字一初宋景定壬戌科進士授文林郎國子監官

為人一循古道宋劉才邵杉溪居士集楊壽隆轉右文林郎制 勅具官

楊壽隆朕祗率彛章恭修大報九茲事務爾與宣勤叙進階資以示褒勸

往其祗服益勵猷為可 易致堯循右文林郎制 勅營田之設以豐軍

儲推而行之責在得人爾墜闕居多備見宣力進階示實用旌爾勞可

李衍循左文林郎制

勅爾頃緣營造勤於董役有司第宜齊叙進體

茲示勸益勉事功可

宋許循右文林郎制

勅復益有賞所以報功輕

重之差存諸格法今茲珍寇爾預有勞進秩疏恩蓋以示勸往思報稱可

不勉哉可

丘軫循右文林郎制

勅凡因討捕有所興廢提兵給餉理

實相資爾能宣勤用以不乏肆加叙進往服茂恩可張廣東憲集富之彥

循右文林郎制

勅具官某間者戈船之功責在近郡爾以掾屬監護有

勞宜增厥官以為爾寵

魏彥朴降右文林郎制

勅具官某朕宿兵上

流水欲時給爾乃慢令縱其滯留挾續之溫何賴焉其褫一官以示薄罰

朕我明訓益務省循

王杞循右文林郎制

勅具官某間者戈船之役

不優而辨爾以幹敏嘗預有勞其陞一階以為爾寵 蘇括循右文林郎

制 勅具官某間者王師在途糗糧不乏爾典出納備着勤勞增秩之恩

庸示勸獎益思懋勉以稱所蒙 命召虎張闕趙沂竝循右承直郎傳佖

循左儒林郎張大樞俞倓並循右文林郎制

勅具官某等朕比遣樞輔

視師江淮爾從其行幹敏有譽宜進厥秩以旌爾勞往務欽承毋忘報稱

張允修循右文林郎制

勅具官某比者戰艦庀工如期而集爾以承

屬協濟惟勤用頒渙恩以為趨事者之勸

丁騏循右文林郎制

勅具

官某間者留都營繕百堵皆作爾以縣佐董役良勤陞秩示恩毋忘懋勉  
洪平齋集房應發轉文林郎制 勅具官某六駮復土五使置官凡備驅

馳悉霑賞賚爾祇吏役例進一階茂對恩榮尚思策厲可李璧屬湖文集

鹽官縣尉趙師羽特授文林郎 國家權煮海之利以佐軍國之費犯者

有刑蓋非得已而小人無知每冒吾法甚哉操戈拒捕漸不可長爾職在

游徼乃能躬率部曲掩而獲之進秩二等益思報稱周益公大全集右奉

直大夫葉灼男右迪功郎葉均獻錢一萬二千貫循右文林郎 勅具官

某入貲賜爵前世有所不免然非迫於養兵而重於加賦則吾亦安取此

汝能體國疊命進階往服寵章榮其里閭可劉後村集從政郎德慶府端

溪縣主簿趙寔夫特授文林郎制 世之為富者率幸歲歉閉糶以自豐

殖視鄉鄰損瘠終不肯拔一毛不仁甚矣爾未第時乃能傾困賑荒費家

貲至萬餘緡郡上其事於使者使者以上於朝爾雖已策名而仕前賞其

可格而不下哉姑進一級以勸強於為善者可 從政郎廣東提刑司檢

法官林祖荐以韶州桑城賞循文林郎制 屬者蠻鞋深入韶甚岌岌矣

爾佐臺幕能與將士叶力增俾浚壕隱然有不可犯之勢憲臣言狀薄進  
一資以旌爾勞可衛後樂先生集後省令史孫德顯脩文林郎制 繫日

之書自朕纂服迄于嘉泰之初元奏篇來上獎錄儒猷爾祇事其間名與實籍俾進一階于以示信勉而共恪稱我思華劉行簡茗溪某曹分循文

林郎制 勅具官某鄉者南安近邑狐鼠嘯呼旋踵就擒爾與有力進官

一等其尚勉之可吳泳鶴林集王棟持授文林郎制 勅具官某盜起江

右長民之官不能安之遂致持刃發廩殃及良善爾邑尉耳乃能殄渠魁

散群黨卒底寧一何愛一資不以旌汝可 李說持授文林郎 勅具官

某勇爵以級論今之尉受捕盜賞亦以數推爾尉巫山功半於十格旣應

是序而進之可 褚南降授文林郎制 勅具官某為教授者須先正己

然後可以率人高宗皇帝聖訓也爾典教維揚提身不謹臨文則用君父

之名而不知避懷利則闕生負之俸而不知養己之不正何以師表青衿

哉姑鑄一階以植五教可 陳亨根降授文林郎制 勅具官某非訖于

威惟訖于富典獄之大戒也爾為臨川糾擿有犴戶之寄事無大小皆冒

是戒而行之豈朕庶謹庶獄之意哉姑鑄一階尚用中典可 趙希空降

授文林郎制 勅具官某沿江額外苛征紹興有檢察之詔州縣名色收

稅淳熙有寬恤之文爾司征九江素號廉謹不獲乎上乃以苛取絃於刑

章紹淳科條汝豈不熟悉哉姑上一階以存統體可 趙希導降授修職

郎陳懋降授文林郎制

勅具官某等昔孔子以冉求附益於季氏欲鳴

鼓而攻之爾等為縣佐曹入州議舍不能公勤佐理而乃厚府庫之財豐

倉庾之粟閱所言狀豈容伏罰姑從鑄褫往自省循可

趙崇玘特授文

林郎制

勅具官某賞罰軍國之權衡三衢盜起爾以宗英能團結民丁

以保護鄉井前之倖以兩階來上後之守以一級審奏朕惟其人之是信

也初亦何心之有可

鄧夢龍特授文林郎

勅具官某建邵盜起弄兵

山谷間往往而群爾為三州提督官輻湊智略隨賊所發即行勦捕卒使

其徒各正邦典亦可謂有勞矣超進三階尚服異寵可

李陟降授文林

郎制

勅具官某免役之法司馬光猶疑其不便於民也爾為永豐長無

德美道愛以于其民而復創助役錢等第歛役既以錢免矣而又可以錢

助乎其上一階以為作法於貪者之戒可

謝正夫降授文林郎制

勅

具官某漢史入粟拜爵率有可稱爾以賢進射于淳安宜以不賄聞而郡

疏來上取償於吾民者乃爾罰其可追哉錫秩罷官尚曰輕典可

吳昭

嗣降授文林郎制

勅具官某恩平故南海郡去朝廷僻遠爾以元察承

攝州事不能敬謹侯度以治有編氓厲吏流民苛取亡藝部使者以劾聞

宜也姑上一階往其三省可

陳植降授文林郎制

勅具官某國朝置

州戶曹使之專掌倉庾受納欲其平也永春德化盜起民不粒食不得已而賦于官爾又從而取益焉濫刑肆行冤氣纏結若據外銓劾上則其罪

難摧數也姑鐫一階尚曰中典可李衍可降授文林郎制初具官某

出納之吝謂之有司爾望慎府視人之搜金弗之問失監臨之職矣鐫秩

罷官姑示薄罰可李木降授文林郎制初具官某吏以貪勤民久矣

朕方嘉與士大夫更始爾昔為天台戶曹有姦如山既弗之問今職筦庫

尚達復不改則是謂過矣其鐫一秩以飭二維可馬擇降授文林郎制

初具官某為人臣者無外交古之訓也爾攝景陵宰督運蔡城私以糶

糶博易寶王爾曹思垂瓠城下宿師萬窳亦有登首山而呼庚癸者乎鐫

之二階以戒群慝可章于仁降授文林郎制初具官某始聽其言而

失宰我孔子嘆取人之為難夷考其行而知琴張孟軻言得士之非易矧

以才而受上賞復有過而麗常刑爾自為之佞賢朕何意於黜陟姑鐫二

秩庸示三思可趙汝靜孫德之降授文林郎制初具官某等朕更化

之初首戒貪吏欽恤庶獄詔初非不嚴也爾汝靜為郡從事爾德之為州

司冠一以賄聞一以富驚何奉吾詔不虔耶鐫秩罷官以謝千里可葉直清降授文林郎制初具官某刑之頗類獄之放紛國僑所耻也爾出

宰象山無豈弟近民之政而決罰出於法外估藉及於平人其為頗類放紛不以多乎命鑄二階毋怠三省可 孟繼勤宋蟠孫降授文林郎制

勅具官某等善事長官一人日以巧官况逢迎其惡乎爾繼勤為郡紀綱

爾蟠孫為州司寇所職者何事而乃專利吾民以媚其長元元何辜而罹

此酷哉各鑄二階以謝千里可 朱晞降授文林郎制 勅具官某朕夙

夜思救銅楮之弊以通貨泉而州縣吏奉吾詔不虔至有並緣為姦者朕

甚憐焉爾為醴陵丞弗務飭謹乃因秤提之令市虛楮易實銅爭十百之

利於齊民不幾於吏而商者乎昔陸景倩為扶溝丞人號貞清爾則太汚

矣錫秩罷官尚曰輕典可 王壞降授文林郎制 勅具官某鸞部田之

獄而羊舌之罪彰辭梗陽之獄而魏舒之名顯爾為晉陵理掾不自敬審

因圖有重囚乃以賄聞從末減焉獨不思人命所關耶姑錫兩秩毋怠三

省可 林應龍降授文林郎制 勅具官某昔我高宗皇帝實訓有曰為

教授者先須正己乃可率人大哉王言乎真校官典法也爾掌教建安弗

自檢柅殖貨誨淫以貽吏議青衿何所矜式哉其上兩階以弼五教可

汪恭降授文林郎罷祠制 勅具官某書曰凡我有官君子欽乃攸司又

曰無曠庶官爾為州司寇閱三載而一日弗共其事罰其可違故奪祠錫



秩以警呼官可 趙汝扶降授儒林郎羅公著降授文林郎制 勅具官

某等朕乃眷西顧嘗以蜀師糧餉為憂故分命漕臣各率其屬以協濟

事汝扶奉西臺之令督餉軍前爾公著捧利司之檄部夫塞下不能盡瘁

事國至愆軍期亦思銳辦萬憲登首山以呼庚癸者乎各鑄一階尚曰輕

典可 曹南穆降授文林郎制 勅具官某必于賤治單父民不思欺卓

茂治密吏不思欺爾為貴平令寬循謹愿民租安之而寬失之儒謹夫之

畏刻木之徒得以撓法其間則吏猶可欺以其方也外臺劾奏姑上兩階

蓋存統體可 李鑿降授文林郎制 勅具官某叙其財以待邦之移用

周之職內猶不敢以自尊爾為成都法曹管常平倉旁緣出納擅支移米

至五百餘石司法而違法尚何吏議之逃乎可 虞弼降授文林郎制

勅具官某屯田實利也而括民以為田則有害存焉爾一曹掾爾乃能亢

大捆之令而弗敢承豈真避事哉其上二階姑存統體可 林芑降授文

林郎制 勅具官某賈誼曰為人臣者利不苟就害不苟去爾以儒生仕

于西鄙當韃虜犯蜀不能誠死封疆短未至而先去寇已退而不即返去

就之間苟而已姑錫兩秩尚勉二維可洪适盤洲集陳大年循文林郎制

戎事既興邦有賞典爾能以輯濯助我邊防增秩之榮用以勸衆周益

公大全集謝循文林郎啓六月繫官于朝誦儒規而未熟積日曰閱因

選調而稍違功歸鑪錘之間感溢親覽之外某聞大言則望大利賢者所以事君小才不離小官衆人所以紮日故傑士必登於要路而庸流皆踵於常塗惟其兩適於器能是以各安於分義伏念某地寒身賤才薄志卑學昧淵源如斷港絕潢而焉用文無根柢惟分章摘句以自娛入仕十年泚官三考稟資罷軟既不能陳力以赴功受性昏蒙又不可殫心而為智以茲欽板何所取材聖圖廣大之秋賢相招延之際蓬辰如此忍自投於寂寞之濱摩鈍以涸終不越拘學之春誰謂化工之和氣力回冰谷之寒萎已容列屬於學宮更許陞資於銓部依流平進園小道之當然按量長捨大鈞而奚自此蓋伏遇某官儀刑姬旦左右周成如碩膚之公孫而無狼跋之虞贊太平之君子而享鳧鷖之治上則賞誅有序柄用八以詔王下焉廢置何心歲歷三而計吏雖名一藝猶玷七階某敢不念寸進之難戴曲成之造無堪而等聾瞶愧莫效於犬雞卑命而守階墀願常陪於鸞鳳過此以往未到所裁

# 承務郎

沿革隋書百官志場帝廢諸司負外郎置承務郎一人同負外之職新唐書百官志文散官有承務郎正八品下事

物紀原唐置曰尚書省二十四司承務郎之名也宋史職官志元豐寄祿格以階易官雜取唐及國朝舊制以承務郎易校書郎正字將作監主簿金史百官志文官階有承務郎從七品上元史百官志文散官置承務郎從六品 國朝諸司職掌文散官承務郎從六品

事實韓流澗泉日記靖康元年三月辛巳召南劍州進士鄧肅通州進士任申先常州布衣鄒栢赴闕並補承務郎峽州志李孟堅繫年錄云紹興二十年右承務郎貶峽州與父光撰小史是時年秦檜為宰相惡其譏已故有是貶金陵志張栻南軒先生宣公字敬夫以父蔭補右承務郎都督府書寫機宜文字內贊密謀外參庶務其讀書之所名南軒宋韓駒陵陽集迪功郎王嘏可承務郎制 初具官甚爾父昔以孤軍力摧郢寇義形於邑視死如歸廟食嘉聘至今不祀陰德之報在其後人朕聞鼓鼙而思將率摧爾京秩實為異恩尚思能仕之忠無替立身之孝可張廣東憲集舉良史進春秋正辭并通例特改右承務郎制 初具官某朕惟麟經之作垂法萬世言微而指遠文約而誼詳由漢以來諸儒紛紛各開戶牖橫生戈矛其失聖人之意多矣廣文宗謂穿鑿之學徒為異同豈不信哉今觀爾所上正辭通例之書議論精深發明過半有嘉好古宜被異恩俾從

更秩之榮式示右文之勸。孫觀鴻慶居士集取延禧充康邸參謀補子。又若承務郎制。侍從之臣。宣勞萬里。持一介之傳。修兩國之好。雖人臣之義。不以家爲恤。而顧省其私。朕何敢後。以爾自拔於賢關。禮義之地。又挺生於大臣忠孝之門。俾試一官。以爲爾寵。益思勉勵。以稱恩休。范石湖大

全集歸正張

特補右承務郎

爾昔仕虜帳。嘗嬰禍機。奉身來奔。其可

避棄。彈冠束帶。祿廩隨之。悅仰平生。思報所遇。許應龍東澗集與徽特授承務郎。官不及私。固無濫予。例所當得。蓋舉爾榮邸近親。端凝和粹。帥垣贊畫。綽著休稱。刻牘上聞。蓋示褒寵。矧有舊比。近已舉行。宜渙明

綸。晉陞京秩。益思信厚。以稱恩榮。劉後村集全允堅補承務郎。直秘閣制。朕爲儲宮。選嫡妃。旣告廷且成禮矣。加惠於妃之同產親親之義也。爾

早孤而嗜學。與女兄昔同其憂。今同其樂。不亦宜乎。初補而直中秘。不試而擢幕賓。是惟優恩。益勉進修。以基遠大。可。鄭起潛立庵外制。武經郎。閣門宣贊舍人。淮東制司。計議官。舒洪。換授承務郎制。武臣試換文班法也。出乎常法之外。異恩也。蒙異恩而不濫異才也。爾以右列女。從東淮制。臣游幕府上。功謂爾理財佐用。不但贊遺籌而已。累舉不第。耻冠鴟冠。敢請守法者。尚難之。暨我從臣。諭蜀辟從。萬里行復。援是以請。吾何愛一京

秩不以勸功臣爾其佐而長經理我西土展異才成異功以報我異恩庶知名下之無虛士則予所以褒功者亦豈有既哉劉行簡著溪集忠順郎

閻門看班祗候藍師程換授右承務郎 勅具官某朕中遣信使遠適殊鄰被以寵光悉無所愛爾以從行之賞就易文階有榮耀焉其思稱此可

洪平齋集王丙持政承務郎制 勅具官某巴蓬山高林深森民淵數嘯呼剝切實繁有徒爾奮身書生急義鄉井招懷其脅從禽俘其不率一方

安堵制閻上功超授京秩官塗方闊亦克用勸可王魏公集故贈昭慶軍節度使曹億門客進士主父寶臣可假承務郎制 勅具官某教授咸里

緣恩請官錫以命書是稽前比往膺新秩毋或弗祗 美人張氏親兄孫林可假承務郎制 勅基宗祀慶成澤均中外錫爾一命厥惟思榮勉於

自修然後能稱可任希夷斯庵某李懋特轉承務郎制 褒勲之典當錄其孤寧蜀之功多稱爾父有嘉懋績宜錫異恩爾志在承家時當並任隸

選階而昇以京秩越冗調而置之慎察豈謂殊榮殆無前比其屬激昂之操以為報塞之圖素蒙齋集張實甫俞處約父各封承務郎制 勅具官某

等禮九十曰有秩老老所以興孝也矧爾有子策名雋科宜均祭澤庸示褒榮服我命書永娛釜養李彌遜竹溪集王利見贈承務郎制 漢之狄

山以將士乘障致殞其身雖其自取亦用非所長也爾實儒生以忠及難  
朕甚憫之肆頒命秩追責九原魂其有知服我休寵蘇頌演集陳曼卿父  
閔文仕登州錄事父閔年九十一以杖行承務郎誥詞 勅具官某父某  
總章之慶凡通籍之士皆獲爵命其親朕惟子大夫沉於下僚家有耄期  
之養而寵榮不及念之側焉錫爾一命以綏子孫之志可葉水心集詳子  
舒罷官父無所授端明得謝始換承務郎詩 男子行藏地自求難問天  
空多賈誼學突過馬周年願改京官後  
常起黼衣前太平如致了別造會昌船

### 散騎郎

沿革隋書百官志煬帝於謁者  
臺置散騎郎從五品二十八

### 承議郎

沿革隋書百官志煬帝置承議郎三十人並正六品新唐  
書百官志文散官有承議郎正六品上 事物紀原唐武德

七年改隋文騎尉為承議郎宋史職官志元豐寄祿格以階易官雜取唐  
及國朝舊制以承議郎易左右正言太常國子博士

事實衡陽志向子恣右承議郎直秘閣紹興五年八月到六年正月十七  
日奉祠教荒有遺愛人為立生祠洞泐新志趙彥恢承議郎嘉定十一年

十月到十五年十二月滿作成學校行鄉飲酒禮以示風化仍立爲善齋  
教導宗子創置田產以資贍養重建桐川山光二樓移建橫塘趙汝歷  
奉議郎在任轉承議郎淳祐十年六月初三日到任十二年四月除司農  
丞增創釣臺書院季鏞承議郎淳祐十二年八月初一日到任寶祐二  
年八月十三日贊極溺有大功修學舍采鹵飲郡政綱目悉舉慶遠志韋  
庭堅任至承議郎宋劉放彭城某朝散郎大理卿杜紘可朝請郎奉議郎  
試侍御史王觀可承議郎餘並如故制勅刑罰所以輔治法令在於使  
民惟將明之材知所筆削而哀矜之澤由是布宣嘉其成書用推懋賞具  
官杜紘通知法意詳練時務具官王觀天質精敏儒業該茂而皆持心居  
厚觀物能察討論五刑之中究極三典之要輕重適宜簡易難犯新令肇  
布大綱繫明疇其恪居錫之異數加秩進等是爲寵光益圖報稱可奉  
議郎陳向能可承議郎制勅具官某郡邑被邊夷漢雜處加之遠人新  
附應接多務爲吏者比及三年事繁而無曠可謂能矣是以賞典及之爾  
參覈幕畫其效中率進秩一等以疇勩勩可某崇禮北海集轉承議郎制  
勅與五年閏二月九日勅考績而陟明乃古今之成憲肇裡而疏龍亦國  
家之舊章迺眷從臣併昭恩數寶文閣學士左奉議郎知紹興軍府事兼

管內勸農使元兩浙東路安撫使馬步軍都總管北海縣開國男食邑三百戶賜紫金魚袋蔡某才猷宏遠學術深醇採六藝之淵源備百家之該洽北門視草西學上賢豈惟華國之文章實有嘉謀之啓沃言語妙天下偶厭承明之廬岳牧用詞人聊懷會稽之綬當三歲計群吏之治乃五室嚴上帝之祠增賁官聯叙賢勞於積日進封侯爵銜多戶於爰田往服使蕃益思報稱可特授左承議郎依前寮文閣學士進封北海縣開國子加食邑三百戶差遣賜如故韓駒陵陽集奉議郎馮晉提舉鹽事轉承議郎

初具官某漢以博學循行郡國使民而利公上類非俗吏所能爲也自儒林推持使節茂迂居化邦用以寧士不知經果不足用議郎增秩往其懋哉可張廣東憲集黃仁榮轉右承議郎初具官某朕惟梓宮北歸中外悲慕言念入疆之始實資應辦之勞幹敏得人事無不濟肆增厥秩用旌爾勸李派轉右朝散郎李元善轉右承議郎制初具官某等雜茶之券使於阜通偏文亂真實竊良法爾參驗精密灼見其姦何靳一官以勸來者奉迎梓宮禮儀使司禮官吳棫轉左承議郎初具官某朕惟梓宮北歸中外悲慕言念入疆之始有資迎護之勞禮官在旁實備咨訪肆增厥秩用勸爾勸王棟轉右朝請郎葛宗顏轉右承議郎制初具



官某等間者修奉祐陵實國大事鳩工庀役必欲及時爾等咸以郡僚疚心夙夜其增厥秩用旌爾勞 衛閔轉左承議郎制 勅具官某榷茶有

券以便阜通贖文亂真實害成法汝能驗獲備見究心其增一官以昭信賞 周聿復右承議郎制 勅朕孝通神明既舉非常之典澤章中外用

錫一切之辜凡服官職悉從牽叙具官某早膺器使嘗列從班省寺踐揚休有譽處頃貽史議寢閱歲時屬誕布於湛恩其漸遷於故秩往祗朕命

自勵毋忘孫觀鴻慶居士集祕書丞何常特授承議郎制 舜以九載而黜陟庶官周以三歲而誅賞郡吏褒善錄最序進厥位示天下至公之法

不可以廢也爾以學問發身於承平之日又以忠義戮力於艱難之時有司第登進官一等夫仁人志士為善不求其報區區一賜何足以言在法應

遷往抵厥服洪文安公小隱集左奉議郎試中書舍人兼史館修撰王剛中轉承議郎制 三載考績而陟明若稽虞典八柄詔王而馭貴參用周

官雖予法從之賢不廢有司之制具官某以文章先多士以德行配古人十年自佚於林泉一節徑躋於臺閣此跡左仗擢正西垣潤色內書能同

風於五詔發揮信史又擅美於三長會第課之當選宜進階而加寵尚其祗載嗣有褒陞 右承事郎軍器監丞吳樞轉承議郎賜紫章服制 朕